

四庫全書

集部

欽定四庫全書

御定全唐詩卷一百五十一

劉長卿

送盧侍御赴河北

謫居為別倍傷情
何事從戎獨遠行
千里按圖收故地
三軍罷戰及春耕
江天渺渺鴻初去
漳水悠悠草欲生
莫學仲連逃海上
田單空愧取聊城

送子婿崔真父歸長城

送君卮酒不成懽，幼女辭家事伯鸞。
桃葉宜人誠可詠，柳花如雪若為看。
心憐稚齒鳴環去，身愧衰顏對玉難。
惆悵暮帆何處落，青山無限水漫漫。

送陸澧倉曹西上

長安此去欲何依，先達誰當薦陸機。
日下鳳翔雙闕迴，

雪中人去

一作過

二陵稀舟從故里，難移棹家住

一作在

寒

塘獨掩扉，臨水自傷流落久。

一作居洛久

贈君空有淚霑衣。

送柳使君赴袁州

宜陽出守新恩至京口因家始願違五柳閉門高士去
三苗按節遠人歸月明江路聞猿斷花暗山城見吏稀
惟有郡一作舊齋窗裏岫朝朝空對謝玄暉

戲題贈二小男

異鄉流落頻生子幾許悲歡併在身欲並老容羞白髮
每看兒戲憶青春未知門戶誰堪主且免琴書別與人
何幸暮年方有後舉家相對却霑巾

謫官後卧病官舍簡賀蘭侍郎

一作賤睦州
祖庸見贈

青春衣繡共稱

一作繡
服正相

宜白首垂

一作髮如

絲恨不遺江上

幾回今夜月鏡中無復少年時生還北闕誰相

一作將
一作能

引老向南邦衆所悲歲歲任他芳草綠長沙未有定歸

期

歲日見新厯因寄都官裴郎中

青陽振蟄初頒厯白首銜冤欲問天絳老更能經幾歲
賈生何事又三年愁占著草終難決病對椒花倍自憐
若道平分四時氣南枝為底發春偏

江州重別薛六柳八二員外

生涯豈料承優詔
世事空知學醉歌
江上月明胡雁過
淮南木落楚山多
寄身且喜滄洲近
顧影無如白髮何
今日龍鍾人共棄
媿君猶遣慎風波

青溪口送人歸岳州

洞庭何處鴈南飛
江莢蒼蒼客去稀
帆帶夕陽千里沒
天連秋水一人歸
黃花裛露開沙岸
白鳥銜魚上釣磯
岐路相逢無可贈
老年空有淚霑衣

送靈澈上人還越中

禪客無心杖錫還，沃洲深處草堂閒。
身隨敝屨一作履經

殘雪，手綻寒衣入舊山。獨向青溪依樹下，空留白日在

人間。那堪別後

一作夜

長相憶，雲木蒼蒼但閉關。

送耿拾遺歸上都

若為天畔獨歸秦，對水看山欲暮春。窮海別離無限路，

隔河征戰幾歸人。

一作征陣獨歸人

長安萬里傳雙淚，建德千

峰寄一身。想到郵亭愁駐馬，不堪西望見風塵。

和樊使君登潤州城樓

山城迢遞敞高樓，露冕吹簫居上頭。
春草連天隨北望，夕陽浮水共東流。
江田漠漠全吳地，野樹蒼蒼故蔣州。
王粲尚為南郡客，別來何處更銷憂。

一作無

餞王相公出牧括州

縉雲詎比長沙遠，出牧猶承明主恩。
城對寒山開畫戟，路飛秋葉轉朱轡。
江潮淼淼連天望，旌旆悠悠上嶺翻。
蕭索庭槐空閉閤，舊人誰到翟公門。

題靈祐和尚故居

歎逝翻悲有此身，禪房寂寞見流塵。

一作六

時行徑空

秋草幾日浮生哭，故人風竹自吟遙。入磬雨花隨淚共

霑巾，殘經窗下依然在。憶得山中

一作陰

問許詢

尋龍井楊老

柴門草舍絕風塵，空谷耕田學子真。泉咽恐

一作豈

勞經

隴底

一作客一作地又作坻

山深不覺有秦人手，栽松樹蒼蒼老

身臥桃園寂寂春。唯有胡麻當雞黍，白雲來往未嫌貧。

見故人李均所借古鏡恨其未獲歸府斯人已
亡愴然有作

故人留鏡無歸處今日懷君試暫窺歲久豈堪塵自入
夜長應待月相隨空憐瓊樹曾臨匣猶見菱花獨映池
所恨平生還不早如今始挂隴頭枝

聞虞沔州有替將歸上都登漢東城寄贈

淮南搖落客心悲湏水悠悠怨別離早鴈初辭舊關塞
秋風先入古城池腰章建隼皇恩賜露冕臨人白髮垂

惆悵恨

一作夫

君先我去漢陽耆老憶旌麾

一作旗

獻淮寧

一作寧淮

軍節度使李相公

一作淮西將李中丞又作獻南

王平

建牙吹角不聞

一作戟門

喧三十登壇衆所尊家散萬金酬

士死

一作死事

身留

一作持

一劍答君恩漁陽老將多迴席魯

國諸生半在門白馬翩翩春草細

一作綠

郊原

一作少陵一作邵陵

西去獵平原

觀校獵上淮西相公

龍驤校獵邵陵東野火初燒楚澤空師事黃公千戰

一作

載

後身騎白馬萬人中笳隨晚吹吟

一作曉月吹

邊草箭沒

寒

一作青

雲落塞鴻三十擁旄誰不羨周郎少小立

一作有

奇功

送皇甫曾赴上都

東遊久與故人違西去荒涼舊路微秋草不生三徑處
行人獨向五陵歸離心日遠如流水回首川長共落暉
楚客豈勞傷此別滄江欲暮自霑衣

送李錄事兄歸襄鄧

十年多難與君同，幾處移家逐轉蓬。
白首相逢征戰後，青春已過亂離中。
行人杳杳看西月，歸馬蕭蕭向北風。
漢水楚雲千萬里，天涯此別恨無窮。

漢陽獻李相公

退身高卧楚城幽，獨掩閒

一作寒

門

一作雙扉

漢水頭，春草雨

中行，徑沒暮山江上捲簾愁。幾人猶憶

一作識

孫弘閣，百

口同乘范蠡舟。早晚却還

一作歸

丞相印，十年空被白雲

留

長沙過賈誼宅

三年謫宦此棲遲萬古惟留楚客

一作國

悲秋草獨

一作漸

尋人去後寒林空見日斜時漢文有道恩猶薄湘水無情弔豈知寂寂江山搖落處

一作正搖落

憐君何事到天涯

奉酬辛大夫喜湖南臘月連日降雪見示之作

長沙耆舊拜旌麾

一作旗

喜見江潭積雪時柳絮三冬先

北地梅花一夜徧南枝初開窗閣寒光滿欲掩軍城暮

色遲間里何人不相慶萬家同唱郢中詞

登餘干古縣城

孤城上與白

一作迢
遶楚

雲齊萬古荒涼

一作
蕭條

楚水西官舍

已空秋草綠女牆猶在夜烏啼平江渺渺來人遠

一作
夕

落日亭亭向客低沙鳥不知陵谷變朝飛

一作
還

暮去

一作

往

弋陽溪

將赴嶺外留題蕭寺遠公院

寺即梁朝
蕭內史創

竹房遙閉上方幽苔徑蒼蒼訪昔遊內史舊山空日暮

南朝古木向人秋天香月

一作夜

色同

一作空

僧室葉

一作月

落猿啼傍

一作訪又作送

客舟此去播遷明主意白雲何事欲

相留

初聞貶謫續喜

一本無上六字

量移登於越亭贈鄭校

書

青青草色滿江洲萬里傷心水自流越鳥豈

一作不

知南

國

一作樹

遠江花獨向北人愁生涯已逐

一作許

滄浪去

一作作

老

冤氣初逢渙汗收何事還邀遷

一作羈

客醉春風日夜

待歸舟

北歸入至德州界偶逢洛陽鄰家李光宰

生涯心事已蹉跎舊路依然此重過近北始知黃葉落
向南空見白雲多炎州日日人將老寒渚年年水自波
華髮相逢俱若是故園秋草復如何

自江西歸至舊任官舍贈袁贊府

時經劉
展平後

却見同官喜復悲此生何幸有歸期空庭客至逢搖落
舊邑人稀經亂離湘路來過迴鴈處江城臥聽擣衣時

南方風土勞君問賈誼長沙豈不知

赴南中題

一作留

褚少府湖上亭子

一作林亭一作李嘉祐詩

種田東郭傍春陂萬事無情把

一作如弄

釣絲綠竹放侵行

徑裏

一作斷

青山常對卷簾時紛紛花落門空閉寂寂鶯

啼日更遲從此別君千萬里白雲流水憶佳期

上巳日越中與鮑侍郎泛舟耶溪

蘭橈縵

一作萬

轉傍汀沙應接

一作隔

雲峰到若耶舊浦滿

一作遠

來移渡口垂楊深處有人家永和春色千年在曲

水鄉心萬里賒君見漁船時借問前洲

一作桃源

幾路入烟

花

一作霞

雙峰下哭故人李宥

憐君孤壠

一作塚

寄雙峰埋骨窮泉復幾重白露空霑九

原草青山猶

一作獨

閑數株松圖書經亂知何在妻子因

貧

一作移家

失所從惆悵東臯却歸去人間無處更相逢

使次安陸寄友人

新年草色遠萋萋久客將歸失

一作問

路蹊暮雨不知湏

一作
湏

口處春風只

一作
共

到穆陵西孤城盡日空花落三

戶無人自鳥啼君在江南相憶否門前五柳幾枝低

哭陳

一作
李

歙州

一作
使君

千秋萬古葵

一作
共

平原素業

一作
惟有

清風及子孫旅櫬歸

程傷道路舉家行哭向田園空山寂寂開新壠

一作
塚

喬

木蒼蒼掩舊門

一作寒山搖落空
攏故里疎蕪獨掩門

儒行公才竟何在

一作處一
作更何用

獨憐棠樹一枝存

一作故將脩
短問乾坤

酬屈突陝

落葉紛紛滿四鄰蕭條環堵絕風塵鄉看秋草歸無路

一作何處

家對寒江病且貧藜杖懶迎征騎客菊花能醉去

官人憐君計畫誰知者但見蓬蒿空沒身

送惠法師遊天台因懷智大師故居

翠屏瀑水

一作布

知何在鳥道猿啼過幾重落日獨搖金

策去深山誰向石橋逢定攀巖下

一作上

叢生桂欲買雲

中若箇峰憶想東林禪誦處寂寥惟聽舊時鐘

自夏口至鸚鵡洲夕望岳陽寄源

一作元

中丞

江洲無浪復無煙，楚客相思益渺然。
漢口夕陽斜渡鳥，洞庭秋水遠連天。
孤城背嶺寒吹角，獨戍臨江夜泊船。
賈誼上書憂漢室，長沙謫去一作遷謫古今憐。

送侯中丞流康州

長江極目帶楓林，疋馬孤雲不可尋。
遷播共知臣道枉，猜讒却為主恩深。
轅門畫角三軍思，驛路青山萬里心。
北闕九重誰許屈，獨看湘水淚霑襟。

別

一作送

嚴士元

一作送嚴員外 一作吳中贈別
嚴士元 一作送郎士元 一作李

嘉祐

詩

春風倚棹闔閭城水國春

一作猶

寒陰復晴

一作水閣天寒暗復晴又

作水國春深陰復晴

細雨濕衣看

一作人

不見閑花落地聽無聲日

斜江上孤帆影草綠湖南萬里情

一作程

東道

一作君去

若逢

相識問青袍今日

一作已

誤儒生

避地江東留別淮南使院諸公

長安路絕鳥飛通萬里孤雲西復東舊業已應成茂草

餘生只是任飄蓬何辭向

一作故

物開秦鏡却使他人得

楚弓此去行持一竿竹等閒將狎釣漁翁

罪所上御史惟則

誤因微祿滯南昌幽繫園扉晝夜長黃鶴翅垂同燕雀
青松心在任風霜斗間誰與看冤氣盆下無由見太陽
賢達不能同感激更於一作令何處問蒼蒼

送台州李使君兼寄題國清寺

露冕新承明主恩山城別是武陵源花間五馬時行縣
山外千峰常在門晴江洲渚帶春草古寺杉松深暮猿

知到應真飛錫處因君一想已忘言

獄中聞收東京有赦

傳聞闕下降絲綸為報關東滅虜塵
壯志已憐成白首餘生猶待發青春
風霜何事偏傷物天地無情亦愛人
持法不須張密網恩波自解惜枯鱗

溫湯客舍

冬狩溫泉歲欲闌宮成佳氣晚宜看
湯熏仗裏千旗暖雪照山邊萬井寒
君門獻賦誰相達客舍無錢輒自安

且喜禮闈秦鏡在還

一作盡

將妍醜付

一作赴

春官

送孫逸歸廬山

得帆字

鑪峰絕頂楚雲銜楚客東歸棲此

一作北

巖彭蠡湖邊香

橘柚潯陽郭外暗楓杉青山不斷三湘道飛鳥空隨萬

里帆常愛此中多勝事新詩他日佇開緘

送馬秀才落第歸江南

南客懷歸鄉夢頻東門悵別柳條新慙慙斗酒城陰暮
蕩漾孤舟楚水春湘竹舊斑思帝子江蘿初綠怨騷人

憐君此去未得意陌上愁看淚滿巾

送常十九歸嵩少故林

迢迢此恨杳無涯楚澤嵩丘千里賒岐路別時驚一葉
雲林歸處憶三花秋天蒼翠寒飛鴈古堞蕭條晚噪鷗
他日山中逢勝事桃源洞裏幾人家

送宇文遷明府赴洪州張觀察追攝豐城令

時長

卿亦在
北州

送君不復遠為心余亦扁舟湘水陰路逐山光何處盡

春隨草色向南深
陳蕃待客應懸榻
宓賤之官獨抱琴
儻見主人論謫宦
爾來空有白頭吟

送李將軍

一作送開府姪隨故李使君旅櫬却赴上都

征西諸將一

一作莫

如君報德誰能不顧勲
身逐塞鴻來

萬里手披荒

一作江

草看孤墳擒生絕漠經

一作臨

胡雪懷

舊長沙哭楚雲歸去蕭條
灞陵上幾人看葬李將軍

西陵寄一上人

東山訪道成開

一作開成

士南渡隋陽作本師
了義惠心能

善誘吳風越俗罷淫祠室中時見天人命物外長懸海
嶽期多謝清言異玄度懸河高論有誰持

賦得

一作皇甫冉
詩題作春思

鶯啼燕語報新年馬邑龍堆路幾千家住層城臨漢苑
心隨明月到胡天機中錦字論長恨樓上花枝笑獨眠
為問元戎竇車騎何時返旆勒燕然

三月

一作
日

李明府後亭泛舟

一作皇甫冉詩

江南風景復如何聞道新亭更欲過處處紉蘭春浦綠

萋萋籍草遠山多壺觴須就陶彭澤時俗猶傳晉永和
更待持橈徐轉去微風落日水增波

喜朱拾遺承恩拜命赴任上都

詔書徵拜脫荷裳身去東山閉草堂閭闔九天通奏

一作

楚籍華亭一鶴在朝行滄洲離別風煙遠青瑣幽深漏
刻長今日却迴垂釣處海鷗相見已高翔

鄆上送韋司士歸上都舊業

司士即鄭公之孫頃客於鄆上

前朝舊業想遺塵今日他鄉獨爾身鄆地國除為過客

杜陵家在有何人
蒼苔白露生三徑
古木寒蟬滿四鄰
西去茫茫問歸路
關河漸近淚盈巾

一作此去茫茫盡
秋草離心萬里逐

征
輪

感懷

秋風

一作
青楓

落葉正堪悲
黃菊殘花欲待誰
水近偏逢寒

氣早山深常見日光遲
愁中卜命看周易
夢裏招魂讀

楚詞自笑不如湘浦鴈飛

一作
春

來即是北歸時

送楊於陵歸宋汴

一無
北字

州別業

半山溪雨帶斜暉向水殘花映客衣旅食嗟余當歲晚
能文似汝少年稀新河柳色千株暗故國雲帆萬里歸
離亂要知君到處寄書須及鴈南飛

送崔使君赴壽州

列郡專城分國憂彤幃皂蓋古諸侯仲華遇主年猶少
公瑾論功位已酬草色青青迎建隼蟬聲處處雜鳴騶
千里相思如可見淮南木葉正驚秋

上陽宮望幸

玉輦西巡久未還春光猶入上陽間萬木長承新雨露
千門空對舊河山深花寂寂宮城閉細草青青御路閒
獨見彩雲飛不盡只應來去候龍顏

過裴舍人故居

惻惻天寒獨掩

一作閑

扃紛紛黃葉滿

一作落

空庭孤墳何

處依山木百口無家學

一作汎

水萍籬花猶及重陽發鄰

笛那堪落日聽書幌無人長不捲秋來芳草自為螢

登松江驛樓北望故園

淚盡江樓北望歸田園已陷百重圍
平蕪萬里無人去落日千山鳥飛孤
舟漾漾寒潮小極浦蒼蒼遠樹微
白鷗漁父徒相待未掃欒槍嬾息機

秋夜有懷高三十五適無呈空上人

一作皇甫冉詩

晚節逢君趣道深結茅栽樹近東林
吾師幾度曾摩頂高士何年遂發心
北渚三更聞過鴈西城萬里動寒砧
不見支公與玄度相思擁膝坐長吟

送孔巢父赴河南軍

一作皇甫冉詩

江南相送隔煙波，況復新秋一鴈過。
聞道全軍征北虜，又言詩將會南河。
邊心冉冉鄉人絕，寒色青青戰馬多。
共許陳琳工奏記，知君名行未蹉跎。

登潤州萬歲樓

一作皇甫舟詩

高樓獨上思依依，極浦遙山合翠微。
江客不堪頻北望，塞鴻何事又南飛。
垂山古渡寒煙積，瓜步空洲遠樹稀。
聞道王師猶轉戰，更能談笑解重圍。

江樓送太康郭主簿赴嶺南

對酒憐君安可論當官愛士如平原
料錢用盡却為謗
食客空多誰報恩
萬里孤舟向南越
蒼梧雲中暮帆滅
樹色應無江北秋
天涯尚見淮陽月
驛路南隨桂水流
猿聲不絕到炎州
青山落日那堪望
誰見思君江上樓

客舍喜鄭三見寄

一作訪

客舍逢君未換衣
閉門愁見桃花飛
遙想故園今已爾
家人應念行人歸
寂寞垂楊映深曲
長安日暮靈臺宿
窮巷無人鳥雀閑
空庭新雨莓苔綠
北中分與故交疎

何幸仍迴長者車十年未稱平生意好得辛勤謾讀書

送賈三北遊

賈生未達猶窘迫身馳足馬邯鄲陌片雲郊外送人
斗酒城邊暮留客顧予他日仰時髦不堪此別相思勞
雨色新添漳水綠夕陽遠照蘇門高把袂相看衣共緇
窮愁只是惜良時亦知到處逢下榻莫滯秋風西上期

齊一和尚影堂

一公住世忘世紛暫來復去誰能分身寄虛空如過客

心將生滅是浮雲
蕭散浮雲往不還
淒涼遺教歿仍傳

舊地愁看雙樹在空堂

一作見

一燈懸一燈長照恒

河沙雙樹猶落諸天花
天花寂寂香深殿
苔蘚蒼蒼闕

虛院昔余精念訪禪扉
常接微言清

一作親

道機今來寂

寞無所得唯共門人淚滿衣

穎川留別司倉李萬

故人早負干將器
誰言未展平生意
想君疇昔高步時
肯料如今折腰事
且知投刃皆若虛
日揮案牘常有餘

槐暗公庭趨小吏荷香陂水膾鱸魚客裏相逢款話深
如何歧路剩霑襟白雲西上催歸念潁水東流是別心
落日征驂隨去塵含情揮手背城闌已恨良時空此別
不堪秋草更愁人

聽笛歌

留別鄭
協律

舊遊憐我長沙謫載酒沙頭送遷客天涯望月自霑衣
江上何人復吹笛橫笛能令孤客愁淥波淡淡如不流
商聲寥亮羽聲苦江天寂歷江楓秋靜聽關山聞一叫

三湘月色悲猿嘯又吹楊柳激繁音千里春色傷人心
隨風飄向何處落唯見曲盡平湖深明發與君離別後
馬上一聲堪白首

時平後送范倫歸安州

昨聞戰罷圖麟閣破虜收兵卷戎幕滄海初看漢月明
紫微已見胡星落憶昔扁舟此南渡荊棘煙塵滿歸路
與君攜手姑蘇臺望鄉一日登幾迴白雲飛鳥去寂寞
吳山楚岫空崔嵬事往時平還舊丘青青春草近家愁

洛陽舉目今誰在
潁水無情應自流
吳苑西人去欲稀
留連一日空知非
江潭歲盡愁不盡
鴻鴈春歸身未歸
萬里遙懸帝鄉憶
五年空帶風塵色
却到長安逢故人
不道姓名應不識

小鳥篇上裴尹

藩籬小鳥何甚微
翩翩日夕空此飛
只緣六翮不自致
長似孤雲無所依
西城黯黯斜暉落
衆鳥紛紛皆有託
獨立雖輕燕雀羣
孤飛還懼鷹鷂搏
自憐天上青雲路

弔影徘徊獨愁暮
銜花縱有報恩時
擇木誰容托身處
歲月蹉跎飛不進
羽毛顛顚何人問
遶樹空隨烏鵲驚
巢林只有鷦鷯分
主人庭中蔭喬木
愛此清陰欲棲宿
少年挾彈遙相猜
遂使驚飛往復迴
不辭奮翼向君去
唯怕金丸隨後來

登吳古城歌

登古城兮思古人
感賢達兮同埃塵
望平原兮寄遠目
歎姑蘇兮聚麋鹿
黃池高會事未終
滄海橫流人蕩覆

伍員殺身誰不寬
竟看墓樹如所言
越王嘗膽安可敵
遠取石田何所益
一朝空謝會稽人
萬古猶傷甬東客
黍離離兮城坡地
牛羊踐兮牧豎歌
野無人兮秋草綠
園為墟兮古木多
白楊蕭蕭悲故柯
黃雀啾啾爭晚禾
荒阡斷兮誰重過
孤舟逝兮愁若何
天寒日暮江楓落
葉去辭風水自波

疲兵篇

驕虜乘秋下薊門
陰山日夕煙塵昏
三軍疲馬力已盡

百戰殘兵

一作軀

功未論陣雲決滌屯塞北羽書紛紛來

不息孤城望處增斷腸折劍看時可需臆元戎日夕且
歌舞不念關山久辛苦自矜倚劍氣凌雲却笑聞笳淚
如雨萬里飄飄空此身十年征戰老胡塵赤心報國無
片賞白首還家有幾人朔風蕭蕭動枯草旌旗獵獵榆
關道漢月何曾照客心胡笳只解催人老軍前仍欲破
重圍閨裏猶應愁未歸小婦十年啼夜織行人九月憶
寒衣飲馬滹河晚更清行吹羗笛遠歸營只恨漢家多

苦戰徒遺金鏃滿長城

新安送陸澧歸江陰

新安路人來去早潮復晚潮明日知何處
潮水無情亦解歸自憐長在新安住

弄白鷗歌

泛泛江上鷗毛衣皓如雪朝飛瀟湘水
夜宿洞庭月

一本

有洞庭二字

歸客正夷猶愛此滄江閒白鷗

長沙贈衡岳祝融峰般若禪師

般若公般若公負鉢何時下祝融歸路却看飛鳥外禪
房空掩白雲中桂花寥寥閒自落流水無心西復東

贈湘南漁父

問君何所適暮暮逢煙水獨與不繫舟往來楚雲裏釣
魚非一歲終日只如此日落江清桂檝遲纖鱗百尺深
可窺沈鉤垂餌不在得白首滄浪空自知

明月灣尋賀九不遇

楚水日夜綠傍江春草滋

一作深

青青遙滿目萬里傷心

歸

一作
歸心

故人川上復何之明月灣南空所思故人不在

明月在誰見孤舟來去時

題曲阿三昧王佛殿前孤石

孤石自何處對之疑

一作
如

舊遊氛氲峴首夕蒼翠剡中

秋迴出羣

一作
奇

峰當殿前雪山靈鷲慙貞堅一片孤雲

長不去莓苔古色空蒼然

送友人東歸

對酒灞亭暮相看愁自深河邊草已綠此別難為心關

路迢迢足馬歸垂楊寂寂數鶯飛
憐君獻策十餘載今日猶為一布衣

入桂渚次砂牛石穴

一本無石字

扁舟傍歸路日暮瀟湘深
湘水清見底楚雲淡無心
片帆落一作遵桂渚獨夜依
楓林楓林月出猿聲苦
桂渚天寒桂花吐此中無處不堪愁
江客相看淚如雨

嚴陵釣臺送李康成赴江東使

潺湲子陵瀨髮髯如在目
七里人已非千年水空綠新

安江上孤帆遠應逐楓林萬餘轉古臺落日共蕭條寒
水無波更清淺臺上漁竿不復持却令猿鳥向人悲灘
聲山翠至今在遲爾行舟晚泊時

送姨子弟往南郊

一展慰久闊寸心仍未伸別時兩童稚及此俱成人那
堪適會面遽已悲分首客路向楚雲河橋對衰柳送君
足馬別河橋汝南山郭寒蕭條今我單車復西上郎去
灞陵轉惆悵何處共傷離別心明月亭亭兩鄉望

銅雀臺

嬌愛更何日高臺空數層含啼映雙袖不忍看西陵漳
河東流無復來百花輦路為蒼苔清樓月夜長寂寞碧
雲日暮空徘徊君不見鄴中萬事非昔時古人不一作何
在今人悲春風不逐君王去草色年年舊宮路宮中歌
舞已浮雲空指行人往來處

王昭君歌

自矜嬌豔色不顧丹青人那知粉繪能相負却使容華

翻誤身上馬辭君嫁驕虜玉顏對人啼不語北風鴈急

浮雲

一作清

秋萬里獨見黃河流纖腰不復漢宮寵雙蛾

長向胡天愁琵琶弦中苦調多蕭蕭羌笛聲相和誰憐
一曲傳樂府能使千秋傷綺羅

送杜越江佐覲省往新安江

去帆楚天外望遠愁復積想見新安江扁舟一行客清
流數千丈底下看白石色混元氣深波連洞庭碧鳴榔
去未已前路行可覲猿鳥悲啾啾杉松雨聲夕送君東

赴歸寧期新安江水遠相隨見說江中孤嶼在此行應
賦謝公詩

湘中憶歸

終日空理棹經年猶別家頃來行已遠彌覺天無涯白
雲意自深滄海夢難隔迢遞萬里帆飄颻一行客獨憐
西江外遠寄風波裏平湖流楚天孤鴈渡湘水湘流澹
澹空愁予猿啼啾啾滿南楚扁舟泊處聞此聲江客相
看淚如雨

送郭六侍從之武陵郡

常愛武陵郡，羨君將遠尋。
空憐世界迫，孤負桃源心。
洛陽遙想桃源隔，野水閒流春自碧。
花下常迷楚客船，洞中時見秦人宅。
落日相看斗酒前，送君南望但依然。
河梁馬首隨春草，江路猿聲愁暮天。
丈人別乘佐分憂，才子趨庭無勝遊。
澧浦荆門行可見，知君詩興滿滄洲。

山鶚鵠歌

一作韋應物詩

山鶚鵠長在此山，吟古木朝嘶相呼響。
空谷哀鳴萬變

如成曲江南逐臣悲放逐倚樹聽之心斷續巴人峽裏
自聞猿燕客水頭空擊筑山鸛鵒一生不及雙黃鵠朝
去秋田啄殘粟暮入寒林嘯羣族鳴相逐啄殘粟食不
足青雲杳杳無力飛白露蒼蒼抱枝宿不知何事守空
山萬壑千峰自愁獨

望龍山懷道士許法稜

心惆悵望龍山雲之際鳥獨還懸崖絕壁幾千丈綠蘿
娟娟不可攀龍山高誰能踐靈原中蒼翠晚嵐煙瀑水

如向人終日迢迢空在眼中有一人披霓裳誦經山頂
飡瓊漿空林閑坐獨焚香真官列侍儼成行朝入青霄
禮玉堂夜掃白雲眠石牀桃花洞裏居人滿桂樹山中
住日長龍山高遙相望

戲贈於越尼子歌

鄱陽女子年十五家本秦人今在楚厭向春江空浣沙
龍宮落髮披袈裟五年持戒長一食至今猶自顏如花
亭亭獨立青蓮下忍草禪枝繞精舍自用黃金買地居

能嫌碧玉隨人嫁北客相逢疑姓秦鉛花拋却仍青春
一花一竹如有意不語不笑能留人黃鸝欲棲白日暮
天香未散經行處却對香爐閒誦經春泉漱玉寒泠泠
雲房寂寂夜鐘後吳音清切令人聽人聽吳音歌一曲
杳然如在諸天宿誰堪世事更相牽惆悵迴船江水渌

游四窗

四明山絕竒自古說登陸蒼崖倚天立覆石如覆屋玲
瓏開戶牖落落實明四目箕星分南野有斗挂簷北日月

居東西朝昏互出沒我來游其間寄傲巾半幅白雲本
無心悠然伴幽獨對此脫塵鞅頓忘榮與辱長笑天地
寬仙風吹佩玉

和中丞出使恩命過終南別業

不過林園久多因寵遇偏故山長寂寂春草過年年花
待朝衣間雲迎驛騎連松蘿深舊閣樵木散閑田拜闕
貪搖珮看琴懶更一作弦君恩催早入已夢傅巖邊

岳陽樓

行盡清溪日已蹉雲容山影兩嵯峨樓前歸客怨秋夢
湖上美人疑夜歌獨坐高高風勢急平湖渺渺月明多
終期一艇載樵去來往片帆愁白波

春望寄王涇陽

清明別後雨晴時極浦空顰一望睂湖畔春山煙點點
雲中遠樹墨離離微微水戍聞鉦鼓掩映沙村見酒旗
風煖草長愁自醉行吟無處寄相思

留辭

南楚迢迢通漢口西江森森去揚州春風已遣歸心促
縱復芳菲不可留



御定全唐詩卷一百五十一

欽定四庫全書

集部

御定全唐詩卷一百五十八至

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣鮑之鍾

謄錄監生臣黃金鍾

欽定四庫全書

御定全唐詩卷一百五十二

顏真卿

顏真卿字清臣京兆長安人博學工辭章事親孝開元
中舉進士又擢制科調醴泉尉累遷殿中侍御史忤宰
相楊國忠出為平原太守安祿山反河朔盡陷獨平原
城守具備使司兵參軍李平馳奏明皇大喜即拜戶部
侍郎肅宗即位靈武真卿數遣使以蠟丸裹書陳事拜

工部尚書兼御史大夫為河北招討採訪處置使至德二年朝於鳳翔授憲部尚書遷御史大夫軍國之事知無不言為宰相所忌出為馮翊太守改蒲州刺史御史唐旻誣劾貶饒州刺史旋拜浙西節度使召入為刑部侍郎李輔國銜之貶蓬州長史代宗立起為戶部侍郎除荆南節度使未行改尚書右丞尋除檢校刑部尚書兼御史大夫封魯國公與元載不合貶峽州別駕改吉州司馬遷撫湖二州刺史載誅擢刑部尚書進吏部盧

杞當國益惡之改太子太師李希烈陷汝州杞奏遣真卿往諭拘脅累歲不屈而死贈司徒謚文忠真卿立朝正色剛而有禮非公言直道不萌於心天下不以姓名稱而獨曰魯公善正草書筆力遒婉世寶傳之詩一卷

題杼山癸亭得暮字

亭陸鴻漸所創

杼山多幽絕勝事盈跬步前者雖登攀淹留恨晨暮及茲紆勝引曾是美無度歟構三癸亭實為陸生故高賢能翔物疏鑿皆有趣不越方丈間居然雲霄遇巍我倚

脩岫曠望臨古渡左右苔石攢低昂桂枝蠹山僧狎猿
狔巢鳥來枳棋俯視何階臺傍瞻戴顓路遲迴未能下
夕照明村樹

謝陸處士杼山折青桂花見寄之什

羣子遊杼山山寒桂花白綠萸含素萼米折自逋客忽
枉巖中詩芳香潤金石全高南越蠹豈謝東堂策會慙
名山期從君恣幽覲

贈裴將軍

大君制六合猛將清九垓戰馬若龍虎騰凌何壯哉將
軍臨八荒烜赫耀英材劒舞若游電隨風縈且迴登高
望天山白雲正崔巍入陣破驕虜威名雄震雷一射百
馬倒再射萬夫開匈奴不敢敵相呼歸去來功成報天
子可以畫麟臺

贈僧皎然

秋意西山多別岑縈左次繕亭歷三癸趾趾鄰什寺元
化隱靈蹤始君啓高致誅榛養翹楚鞭草理芳穗俯砌

披水容逼天掃峰翠境新耳目換物遠風塵異倚石忘
世情援雲得真意嘉林幸勿剪禪侶欣可庇衛法大臣
過佐遊羣英萃龍池護清激虎節到深邃徒想嵎頂期
於今沒遺記

詠陶淵明

張良思報韓龔勝恥事新狙擊不肯就舍生悲搢紳鳴
呼陶淵明奕葉為晉臣自以公相後每懷宗國屯題詩
庚子歲自謂義皇人手持山海經頭戴漉酒巾興逐孤

雲外心隨還鳥泯

三言擬五雜組二首

五雜組繡與錦往復還興又寢不得已病伏枕
五雜組甘鹹醋往復還烏與兔不得已韶光度

使過瑤臺寺有懷圓寂上人

并序

真卿昔以天寶元年尉醴泉亟過瑤臺寺圓寂上
人院秩滿遷監察御史巡覆諸陵而上人已去

一作

離
此寺大厯十三年春二月以刑部尚書謁拜昭

陵慨然有懷

上人居此寺不出三十年萬法元無著

一作靈法盡無染

一心

唯趣禪忽紆塵外軫遠訪區中

一作世間

緣及爾不復見支

提猶爰

一作歸

然

登平望橋下作

登橋試長望望極與天平際海蒹葭色終朝鳬鴈聲近

山猶

一作全

髣髴遠水忽微明更覽諸公作知高題柱名

刻清遠道士詩因而繼作

不到東西寺於今五十春
竭來從舊賞林壑宛相親
吳子多藏日秦王厭勝辰
劍池穿萬仞盤石坐千人
金氣騰為虎琴臺化若神
登壇仰生一捨宅歎珣珉
中嶺分雙樹迴巒絕四鄰
窺臨江海接崇飾四時新
客有神仙者於茲雅麗陳
名高清遠峽文聚斗牛津
跡異心寧間聲同質豈均
悠然千載後知我揖光塵

御定全唐詩卷一百五十二

欽定四庫全書

御定全唐詩卷一百五十三

李華

李華字遐叔贊皇人開元中第進士擢宏詞科累官監察御史右補闕以受安祿山偽署貶杭州司戶上元中召為左補闕司封員外郎華稱疾不拜李峴領選江南表置幕府擢檢校吏部員外郎苦風痺去官客隱山陽勒子弟力農安於窮槁大厯初卒集三十卷今編詩一

卷

雜詩六首

黃鍾叩元音律呂更循環邪氣悖正聲鄭衛生其間典
樂忽涓微波浪與天渾嘈嘈鳴臬動好鳥徒繇蠻王吉
歸鄉里甘心長閉關

玄黃與丹青五氣之正色聖人端其源上下皆有則齊
侯好紫衣魏帝婦人飾女奴厭金翠傾海未滿臆何忍
嚴子陵羊裘死荊棘

甘酸不私人元和運五行生人受其用味正心亦平爪
牙相踐傷日與性命爭聖人不能絕鑽燧與炮烹嗜慾
乘此熾百金資一傾正銷神耗衰邪勝體充盈顏子有
餘樂瓢中寒水清

陰魄淪宇宙太陽假其明臣道不敢專由此見虧盈未
聞東菑稼一氣嘉穀成上天降寒暑地利乃可生葛藟
附柔木繁陰蔽曾原風霜摧枝幹不復庇本根女蘿依
松栢然後得長存

孔光尊董賢胡廣慚李固儒風冠天下而乃敗王度絳侯與博陸忠朴受遺顧求名不考實文弊反成蠹

結交得書生書生鈍且直爭權復爭利終不得其力我逢縱橫者是我牙與翼相旋如疾風並命趨紫極奔車得停軌風火何相逼仁義豈有常肝膽反為賊勿嫌書生直鈍直深可憶

詠史十一首

昂藏解豸獸出自太平年亂代乃潛伏縱人為禍愆嘗

聞斷馬劍每壯朱雲賢身死名不滅寒風吹墓田精靈
如有在幽憤滿松煙

漢皇修雅樂乘輿臨太學三老與五更天王親割牲一
人調風俗萬國和且平單于驟款塞武庫欲銷兵文物
此朝盛君臣何穆清至今壘壇下如有簫韶聲

巢許在蒿潁陶唐不得臣九州尚洗耳一命安能親
邈數千祀丘中誰隱淪朝遊公卿府夕是山林人蒲帛
揚側陋薜蘿為搢紳九重念入夢三事思降神且設庭

中燎寧窺泉下鱗

漢時征百粵揚僕將樓船幕府功未立江湖已騷然島夷非敢亂政暴地仍偏得罪因懷壁防身輒控弦三軍求裂土萬里詎聞天魏關心猶在旗門首已懸如何得良吏一為制方圓

秦滅漢帝興南山有遺老危冠揖萬乘幸得厭征討當君逐鹿時臣等已枯槁寧知市朝變但覺林泉好高卧

三一作五

十年相看成四

一作首成

皓帝言翁甚善見顧何不

早咸稱太子仁重義亦尊道側聞驪姬事中生不自保
暫出商山雲竭來趨灑掃東宮成羽翼楚舞傷懷抱後
代無其人戾園滿秋草

日照崑崙上

一作山

羽人披羽衣乘龍駕雲霧欲往心無

違此山在西北乃是神仙國靈氣皆自然求之不可得

何為漢武帝精思

一作意

徧羣山糜費巨萬計宮車終不

還蒼蒼茂陵樹足以戒人間

天生忠與義本以佐雍熙何意李司隸而當昏亂時古

墳襄城野斜徑橫秋陂況不禁樵采茅莎無孑遺高標
尚可仰精爽今何之一忤中常侍銜寃誰見知嘗觀黨
錮傳撫卷不勝悲

文侯耽鄭衛一聽一忘餐白雪燕姬舞朱絃趙女彈滛
聲流不返悵蕩日無端獻歲受朝時鳴鐘讌百官兩牀
陳管磬九奏殊未闌對此唯恐卧更能整衣冠

蜀主相諸葛功高名亦尊驅馳千萬衆怒目瞰中原曹
伯任公孫國亡身不存社宮久蕪沒白雁猶飛翻勿言

君臣合可以濟黎元為蜀諒不易如曹難復論

六國韓最弱末年尤畏秦鄭生為韓計且欲疲秦人利物可分社原情堪滅身咸陽古城下萬頃稻苗新

沂水春可涉泮宮映楊葉麗色異人間珊珊搖珮環展

禽恒

一作常

獨處深巷生禾黍城上飛海雲城中暗春雨適

來鳴珮者復是誰家女泥沾珠綴履雨濕翠毛簪電影
開蓮臉雷聲飛蕙心自言沂水曲采萍兼采菜歸逕雖
可尋天陰光景促憐君貞且獨願許君家宿徒勞惜衾

枕了不顧雙蛾豔質誠可重淫風如禮何周王惑褒姒
城闕成陂陀

雲母泉詩

并序

洞庭湖西玄石山俗謂之墨山山南有佛寺寺倚
松嶺下有雲母泉泉出石引流分渠周遍庭宇發
如乳湏末派如淳漿烹茶浙蒸灌園漱齒皆用之
大浸不盈大旱不耗自墨山西北至石門東南至
東陵廣輪二十里盡生雲母牆階道路炯炯如列

星井泉溪澗色皆純白鄉人多壽考無癖痼疥搔
之疾華深樂之潁川陳公天寶中與華同為諫官
公性與道合忽於權利方挂冠投簪顧華以名山
之契乾元初公貶清江丞移武陵丞華貶杭州司
功恩復左補闕上元中俱奉詔徵公自清江至武
陵道路多虞制書不至華泝江而西次於岳陽江
山延望日夕相顧屬思與高賢共飲雲母之泉躬
耕墨山之下敢違朝命以徇私欲秋風露寒洞庭

微波一聞猿聲不覺涕下况支離多病年甫始衰
願餌藥扶壽以究無生之學事非志負火焚予心
寄懷此篇亦以書余之志也

晨登玄石嶺嶺上寒松聲朗日風雨霽高秋天地清山
門開古寺石竇含純精洞徹淨金界黃綠流玉英澤藥
滋畦茂氣染茶甌馨飲液盡眉壽冷和皆體平瓊漿駐
容髮甘露瑩心靈岱谷謝巧妙匡山徒有名願言構蓬
華荷鋪引泠泠訪道出人世招賢依福庭此心不能已

寤寐見吾兄曾結潁陽契窮年無所成東西同放逐
蛇豕尚縱橫江漢阻攜手天涯萬里情恩光起憔悴
西上謁承明秋色變江樹相思紛以盈援啼巴丘戌
月上武陵城共恨川路永無由會友生雲泉不可忘
何日遂躬耕

寄趙七侍御

并序

自餘干溪行經弋陽至上饒山川幽麗思與雲卿
同遊邈不可得因敘疇昔之素寄懷於篇云

搖槳曙江流江清山復重心愜賞未足川迴失前峰淩灘

出極浦曠若天池

一作地

通君陽青嵯峨開折混元中九潭

魚龍窟仙成羽人宮陰與潛鬼物精光動煙空玄猿啼深

龍

楚越謂竹樹深者為龍龍一作龍

白鳥戲慈蒙飛湍鳴金石激溜鼓雷

風雨濯萬木鮮霞照千山濃草閒長餘綠花靜落幽紅渚

煙見晨釣山月聞夜舂覆溪窈窕波涵

一作滔

石洶

一作洶

溶

溶丹丘忽聚散素壁相奔衝白日破昏靄靈山出其東勢

排昊蒼上氣壓吳越雄迴頭望雲鄉此恨發吾衷昔日蕭

邵遊

蕭穎士
邵軫

四人纔成童屬詞慕孔門入仕希上公緯

卿陷非罪折我昆吾鋒

邵字綿卿以
橫貶卒南中

茂挺獨先覺拔

身渡京虹斯人謝明代百代陞鵷鴻

蕭天寶末知亂棄
官往江東殯葬先

人逃於
江南

世故墜橫流與君哀路窮

邊胡陷兩京予
與趙受辱賊中

相顧

無死節蒙恩逐殊封

華貶杭州司功趙
貶泉州晉江尉

天波洗其瑕朱

衣備朝容

華承恩累遷尚書
郎趙拜補闕御史

一別凡十年豈期復相從

餘生得攜手遺此兩屏翁羣遷失鶯羽後凋惜長松衰

旅難重別悽悽滿心胸遇勝悲獨遊貪竒悵孤逢禽尚

彼何人胡為束樊籠吾師度門教授弁躡遐蹤

仙遊寺

有龍潭穴
弄玉祠

捨事入樵逕雲木深谷口萬壑移晦明千峰轉前後疑
然龍潭上石勢若奔走開拆秋天光崩騰夏一作萬雷吼

靈谿自茲去紆直互紛糾聽聲靜復喧望色無更有冥
冥翠微下高殿映杉柳滴滴洞穴中懸泉響相扣昔時
秦王女羽化年代久日暮松風來簫聲生左右早窺神
仙籙願結芝朮友安得羨門方青囊繫吾肘

春遊吟

初春遍芳甸千里藹盈矚美人摘新英步步翫春綠所
思杳何處宛在吳江曲可憐不得共芳菲日暮歸來淚
滿衣

長門怨

弱體鴛鴦薦啼妝翡翠衾鴉鳴秋殿曉人靜禁門深每
憶椒房寵那堪永巷陰自驚羅帶緩非復舊來心

奉使朔方贈郭都護

絕塞臨光祿孤營佐貳師鐵衣山

一作三

月冷金鼓朔風悲

都護徵兵日將軍破虜時揚鞭玉關道回首望旌旗

尚書都堂瓦松

華省祕仙蹤高堂露瓦松葉因春後長花為雨來濃影
混鴛鴦色光含翡翠容天然所寄地勢太無從接棟
臨雙闕連蔓近九重寧知深澗底霜雪歲兼封

海上生明月

科試

皎皎秋中月團團海上生影開金鏡滿輪抱玉壺清漸

出三山岳將凌一漢橫
素娥嘗藥去烏鵲遶枝驚
照水光偏白浮雲色最明
此時堯砌下蓂莢自將榮

晚日湖上寄所思

與君為近別不啻遠
相思落日平湖上看山
對此時

寄從弟

眼病身亦病浮生已半空
迢迢千里月應與惠連同

奉寄彭城公

公子三千客人人願報恩
應憐抱關者貧病老夷門

春行寄興

宜陽城下草萋萋
澗水東流復向西
芳樹無人花自落
春山一路鳥空啼

欽定四庫全書

御定全唐詩卷一百五十四

蕭穎士

蕭穎士字茂挺開元中對策第一補祕書正字奉使括
遺書趙衛間淹久不報為有司劾免留客濮陽教授時
號蕭夫子召為集賢校理宰相李林甫怒其不下已調
廣陵參軍事史官韋述薦穎士自代召詣史館待制林
甫愈見疾遂免官尋調河南府參軍事山南節度使源

洧辟掌書記洧卒崔圓署為揚州功曹參軍至官信宿
去後客死汝南逆旅門人私謚曰文元先生穎士樂聞
人善以推引後進為已任所獎目皆為名士集十卷今
編詩一卷

江有楓一篇十章

并序

江有楓思陸鄭二友吳會舊遊且疾讒也臣

一作臣宦

於尹府以直方不偶見逼讒佞惟古之賢者有避
色避言之義矯然去之二室之間有槭樹焉與江

南楓形胥類憩於其下而作是詩以貽夫二三子

焉

江有楓其葉蒙蒙我友自東於以遊從

山有槭其葉漠漠我友徂北於以休息

想彼槭矣亦類其楓矧伊懷人而忘其東

東可遊矣會之丘矣于山于水于廟于寺于亭于里君子遊焉于以宴喜其樂亶亶

粵東可居彼吳之墟有田有庭有朋有書有尊有魚君

子居焉惟以宴醑其樂徐徐

我朋在矣彼陸之子

淹也

如松如杞淑問不已

我友于征彼鄭之子

惲也

如琇如英德音孔明

我思震澤菱芡幕幕寤寐如覲我思剡谿杉篠萋萋寤寐無迷

有鳥有鳥粵鷗與鷺浮湍戲渚皓然潔素忘其猜妒彼何人斯曾足傷懼

此懼惟何懼寘于羅彼驕者子讒言孔多我聞先師體

命委和公伯之愬則如予何悵然山河惟以嘯歌其憂也哉

菊榮一篇五章

并序

菊榮酬贈離且申志也久寓大邑賢宰宋侯惠而
好予賦鳴蟬以貺別有懷相規備厥卒章予以報
焉

采采者菊芬其榮斯紫英萼照灼丹墀愷悌君子佩
服攸宜王國是維大君是毗貽爾子孫百祿萃之

采采者菊于邑之城舊根新莖布葉垂英彼美淑人應
家之楨有弦既鳴我政則平宜爾棟崇必復其慶

采采者菊于邦之府陰槐翳柳邇楹近宇彼勞者子喧
卑是處慨其莫知蘊結誰語企彼高人色斯遐舉

采采者菊于賓之館既低其枝又弱其幹有斐君子是
焉披翫良辰旨酒宴飲無算愴其仉別終然永歎

歲方晏矣霜露殘促誰其榮斯有英者菊豈微春華懿
此貞色人之侮我混于薪棘詩人有言好是正直

涼雨一章

并序

涼雨志楊侯樂賓僚也

習習涼風泠泠浮颺君子樂胥於其賓僚有女斯天式歌且謠欲言終宥惟以招邀於胥樂兮

有竹一篇七章

并序

有竹懿李新後閣而宴親友也

有竹斯竿於閣之前君子秉心惟其貞堅兮
有竿斯竹於閣之側君子秉操惟其正直兮

彼蔚者竹蕭其森矣有開者閤窅其深矣迴簷幽砌如翼如齒

冬之宵霰雪斯灑我有金爐熈其以猷

夏之日炎景斯鬱我有珍簟淒其以栗

彼紛者務體其豫矣有旨者酒歡其且矣友僚萃止跗萼載韡

彼美公之姓兮那歟應積慶兮期子惟去之柄兮

江有歸舟三章

并序

記有之尊道成德嚴師其難哉故在三之禮極乎
君親而師也叅焉無犯與隱義斯貫矣孔聖稱顏
子有視余猶父歎其至歟今吾於太真也然乎爾
且後進而余師者自賈邕廬冀之後比歲舉進士
登科名與實皆相望騰遷凡數子其佗自京畿太
學踰於淮泗行束脩以上而未及門者亦云倍之
余弗敏曷云當乎而莫之讓蓋有來學微往教蒙
匪余求若之何其拒哉猗爾之所以求我之所以

誨學乎文乎學也者非云徵辨說據文字以扇夫
談端輟厥詞意其於識也必鄙而近矣所務乎憲
章典法膏腴德義而已文也者非云尚形似牽比
類以局夫儷偶放於竒靡其於言也必淺而乖矣
所務乎激揚雅訓彰宣事實而已衆之言文學者
或不然於戲彼以我為僻爾以我為正同聲相求
爾後我先安得而不問哉問而教教而從從而達
欲辭師也得乎孔門四科吾是以竊其一矣然夫

德行政事非學不言言而無文行之不遠豈相異
哉四者一夫正而已矣故曰詩三百一言以蔽之
曰思無邪不正之謂也吾嘗謂門弟子有尹徵之
學劉太真之文首其選焉今茲春連茹甲乙淑問
休闡為時之冠浹旬有詔俾徵典校祕書且馳傳
攏首領元戎書記之事四牡駢駢薄言旋歸聲動
日下浹於寰外而太真元昆前已甲科未始間歲
翩其連舉謂予不信豈其然乎夏五月迴棹京洛

告歸江表岵兮屺兮歡既萃矣兄矣弟矣榮斯繼
矣搢紳之徒習禮聞詩者僉曰劉氏二子可謂立
乎身光乎親蹈極致於人倫者矣上京餞別庭聞
望歸從古已來未之聞也余羈宦此都色斯云舉
彼吳之丘曾是昔遊心乎往矣有懷伊阻行矣風
帆載飛載揚爾思不及黯然以泣先師孝弟謹信
泛愛親仁餘力學文之訓爾其志之南條北固朱
方舊里昔與太真初會於茲余之門人有柳并者

前是一歲亦嘗觀茲地其請業也必始乎此焉并
也有尹之敏劉之工其少且疾故莫之逮太真亦
嘗曰何敢望并并與真難乎其相奪矣緬彼江陰
京阜是臨言念二子從予於此爾云過之其可忘
諸同是餞者賦江有歸舟以寵夫嘉慶馬爾詩曰
江有歸舟亦亂其流之子言旋嘉名孔修揚於王庭允
焯其休

舟既歸止人亦榮止兄矣弟矣孝斯踐矣稱觴燕喜於

屹於岬

彼遊惟帆匪風不揚有彬伊父匪學不彰予其懷而勉
爾無忘

過河濱和文學張志尹

隆古日以遠舉世喪其淳慷慨懷黃虞化理何由臻步
出城西門裴回見河濱當其側陋時河水清且潏滄桑
一以變莽然翳荆榛至化無苦窳宇宙將陶甄太息感
悲泉人往跡未湮瑟瑟寒原暮冷風吹衣巾顧我謗劣

質希聖杳無因且盡登臨意斗酒歡相親

舟中遇陸隸兄西歸數日得廣陵二三子書知
遲晚次沙塾西岬作

林鳥遙岬鳴早知東方曙波上風雨歇舟人叫將去蒼
蒼前洲日的的回沙驚水氣清曉陰灘聲隱川霧舊山
勞魂想憶人阻洄沔信宿千里餘佳期曷由遇前程入
楚鄉弭棹問維揚但見土音異始知程路長寥寥晚空
靜漫漫風淮涼雲景信可羨風潮殊未央故人江臯上

永日念容光中路枉尺書謂余瓊樹芳深期結晤語竟
夕恨相望冀願崇朝霽吾其一葦航

重陽日陪元魯山德秀登北城矚對新霽因以

贈別

時元兄屢有
挂冠之意

山縣遶古堞悠悠快登望雨餘秋天高目盡無隱狀綿
連潢川迴杳渺鴉路深彭澤興不淺臨風一作流動歸心賴

茲琴堂暇傲晚傾菊酒人和歲已登從政復何有遠山
十里碧一道銜長雲青霞半落日混合疑晴曠漸聞驚

栖

一作
栖林

羽坐歎清夜月中歡愴有違行子念明發僅能泯

寵辱未免傷別離江湖不可忘風雨勞相思明時當盛
才短伎安所設何日謝百里從君漢之蒞

留別二三子得韻字

二紀尚雌伏徒然忝先進英英爾衆賢名實鬱雙振殘
春惜將別清洛行不近相與愛後時無令孤逸韻

仰荅韋司業垂訪五首

呦呦食苹鹿常飲清泠川但悅豐草美寧知牢饌鮮主

人有幽意將以充林泉羅網幸免傷蒙君復羈牽高堂
列衆賓廣座鳴清絃俯仰轉驚一作傷惕徘徊獨憂煎
緬懷雲巖路欲往無由緣物各有所好違之傷自然

神龜在南國緬邈湘川陰遊止蓮葉上歲時嘉樹林
毒蟲且不近斤斧何由尋錯落負奇文熒煌耀丹金
江山萬里餘淮海阻且深獨保貞素質不為寒暑侵
一逢盛明代應見通靈心

晉代有儒臣當年富詞藻立言寄青史將以贊王道
遼

落緬歲時辛勤歷江島且言風波倦探涉豈為寶不遇
庾征西云誰展懷抱士貧乏知己安得成所好

彭陽昔遊說願謁南郢都王果尚未達况從夷節謨豈
知晉叔向無罪嬰囚拘臨難俟解紛獨知祁大夫舉讐
且不棄何必論親疎夫子覺者也其能一作肯遺我乎

關西一公子年貌獨青春被褐來上京翳然聲未振中
郎何為者倒屣驚座賓詞賦豈不佳盛名亦相因為君
奏此曲此曲多苦辛千載不可誣孰言今無人

答鄒象先

桂枝常共擢茅茨冀同薦一命何阻脩載馳各川縣壯
圖悲歲月明代恥貧賤回首無津梁祇令二毛變

蒙山作

東蒙鎮海沂合沓餘百里清秋淨氛靄崖崿隱天起于
役勞往還息徒暫攀躋將窮絕迹處偶得冥心理雲氣
雜虹霓松聲亂風水微明綠林際杳窅丹洞裏仙鳥時
可聞羽人邈難視此焉多深邃賢達昔所止子尚捐俗

紛李隨躡遐軌蘊真道彌曠懷古情未已白鹿凡幾遊
黃精復奚似顧予尚牽纏家業重書史少學務從師壯
年貴趨仕方馳桂林譽未暇桃源美歲暮期再尋幽哉

羨門子

早春過七嶺寄題硤石裴丞廳壁

出硤寄趣少晚行偏憶君依然向來處官路谿邊雲茲
路豈不劇能無俗累紛槐陰永未合泉聲細猶聞彌歎
春罷酒牽卑

一木
字缺

從此分登高望城入斜影半風薰

送張翬下第歸江東

翬一作翬

俱飛仍失路，綵服邇清波。
地積東南美，朝遺甲乙科。
客愁千里別，春色五湖多。
明日舊山去，其如相望何。

越江秋曙

扁舟東路遠，曉月下江濱。
潏潏信潮上，蒼茫孤嶼分。
林聲寒動葉，水氣曙連雲。
暝日浪中出，榜歌天際聞。
伯鸞常去國，安道惜離羣。
延首剡谿近，詠言懷數君。

山莊月夜作

獻書嗟棄置疲拙歸田園且事計然策將符公冶言桑

榆清

一作
畏

暮景雞犬應遙村蠶罷里閭晏麥秋田野喧澗

聲連枕簟峰勢入堦軒未奏東山妓先傾北海尊隴瓜
香早熟庭果落初繁更愜野人意農談朝竟昏

御定全唐詩卷一百五十四

欽定四庫全書

御定全唐詩卷一百五十五

崔曙

崔曙宋州人開元二十六年登進士第以試明堂火珠
詩得名詩一卷

古意

綠筍總成竹紅花亦成子能當此時好獨自幽閨裏夜
夜苦更長愁來不一作如死

宿大通和尚塔敬

一本無敬字

贈如上人兼呈常孫

二山人

支公已寂滅影塔山上古更有真僧來道場救諸苦一

承微妙法寓宿清淨土身心能自觀色相了無取森森

松映月漠漠雲近戶嶺一作雲外飛電明夜來前山雨然

燈見栖鵲作禮聞信鼓曉霽南軒開秋華淨天宇願言

出世塵一作長出世謝爾申及甫

送薛據之宋州

無媒嗟

悲一作

失路有道亦乘流客處不堪別異鄉應共

愁我生早孤賤淪落居此州風土至今憶山河皆昔

一作

舊遊一從文章事

一作

兩京春復秋君去問相識幾人

今

一作

白頭

山下晚晴

寥寥遠天淨谿路何空濛斜光照疎雨秋氣生白虹雲

盡山色暝蕭條西北風故林歸宿處一葉下梧桐

賴陽東溪懷古

靈溪氛霧歇皎鏡清心顏空色不一作映水秋聲多在

山世人久踈曠萬物皆自閒白鷺寒更浴孤雲晴未還

昔時讓王者此地閉玄一作紫闕無以躡高步淒涼岑

林一作壑間

早發交崖山還太室作

東林氣微白寒鳥急一作忽高翔吾亦自茲去北山歸草

堂仲一作抄冬正三五日月遙相望蕭蕭一作蕭蕭過潁上隴

隴辨少陽川冰生積雪野火出枯桑獨往路難盡窮陰

人易傷傷此無衣客如何蒙雪

一作霜

奉試明堂火珠

正位開重屋凌空

一作中天

出火珠夜來雙月滿

一作合

曙後

一星孤天淨光難滅雲生望欲無遙知太平代

一作還知聖明

代國寶在名都

途中曉

一作晚

發

曉

一作晚

霽長風裏勞歌赴遠期雲輕歸海疾月滿下山

一作峰

遲旅望因高盡鄉心遇物悲故林遙不見況在

一作

復
落花時

緱山廟

遺廟宿陰陰孤峰映綠林步隨仙路遠意入道門深
澗水流年月山雲變古今祇聞風竹裏猶有鳳笙音

同諸公謁啟母祠

閔宮凌紫微芳草閉閒扉帝子復何在王孫遊不歸
春風鳴玉珮暮雨拂靈衣豈但湘江口能令懷二妃

九日登望仙臺呈劉明府容

漢文皇帝有高臺此日登臨曙色開三晉雲山皆北向

二陵風雨自東

一作西

來關門令尹誰能識河上仙翁去不

回且欲近尋彭澤宰陶然共

一作一

醉菊花杯

奉酬中書相公至日圓丘攝事合於中書後閣

宿齋移止於集賢院敘懷見寄之作

典籍開書府恩榮避鼎司郊丘資有事齋戒守無為宿
霧蒙瓊樹餘香覆玉墀進經逢乙夜展禮值明時勲共
山河列名同竹帛垂年年佐堯舜相與致雍熙

登水門樓見亡友張貞期題望黃河詩因以感

興一作寄友

吾友東南美昔聞登此樓人隨

一作從

川上逝

一作去

書向

一作在

壁中留嚴子好真隱謝公耽遠遊清風初作頌暇

日復銷憂

一作愁

時

一作思

與文字

一作章

古跡將

一作隨

山水

幽已孤

一作辜

蒼生望空

一作坐

見黃河流流落年

一作落春

榮

將晚悲涼物已

一作似

秋天高不可問掩泣赴行舟

對雨送鄭陵

別愁復經雨別淚還如霰寄心海上雲千里常相見

嵩山尋馮鍊師不遇

青溪訪道凌煙曙王子仙成已飛去更值空山雷雨時
雲林薄暮歸何處

御定全唐詩卷一百五十五

欽定四庫全書

御定全唐詩卷一百五十六

王翰

王翰字子羽晉陽人登進士第舉直言極諫調昌樂尉復舉超拔羣類召為祕書正字擢通事舍人駕部員外出為汝州長史改仙州別駕日與才士豪俠飲樂遊畋坐貶道州司馬卒集十卷今存詩一卷

贈唐祖二子

鴻飛遵枉渚鹿鳴思故羣物情尚勞愛况乃予別君別
時花始發別後蘭再薰瑤觴滋白露寶瑟凝涼氛徘徊
北林月悵望南山雲雲月渺千里音微不可聞

飛燕篇

孝成皇帝本嬌奢行幸平陽公主家可憐女兒三五許
芊茸惜是一園花歌舞向來人不貴

一作歌舞來
時由不歸

一旦

逢君感君意君心見賞不見忘姊妹雙飛入紫房紫房
絲女不得見專榮固寵昭陽殿紅妝寶鏡珊瑚臺青瑣

銀簧雲母扇。日夕風傳歌舞聲。祇擾長信憂人情。長信
憂人氣欲絕。君王歌吹終不歇。朝弄瓊簫下綵雲。夜踏
金梯上明月。明月薄蝕陽精昏。嬌妬傾城惑至尊。已見
白虹橫紫極。復聞飛燕啄皇孫。皇孫不死燕啄折女弟。
一朝如火絕。明明天子咸戒之。赫赫宗周褒姒滅。古來
賢聖歎狐裘。一國荒淫萬國羞。安得上方斷馬劍。斬取
朱門公子頭。

飲馬長城窟行

一作古
長城吟

長安少年無遠圖一生惟羨執金吾麒麟前殿拜天子

走馬西擊長城胡

一作走馬為君西擊胡

胡沙獵獵吹人面漢虜

相逢不相見遙聞鼙鼓動地來傳道單于夜猶戰此時

顧恩寧顧身為君一行摧萬人壯士揮戈迴白日單于

滅血染朱輪歸來飲馬長城窟長城道傍多白骨問之

耆老何代人云是秦王築城卒黃昏塞北無人煙鬼哭

啾啾聲沸天無罪見誅功不賞孤魂流落此城邊當昔

秦王按劍起諸侯膝行不敢視富國強兵二十年築怨

興徭

一作
聲寃

九千里秦王築城何太愚天實亡秦非北胡

一朝禍起蕭牆內渭水咸陽不復都

賦得明星玉女壇送廉察尉華陰

洪河之南曰秦鎮發地削成五千仞三峰離地皆倚天
唯獨中峰特修峻上有明星玉女祠祠壇高眇路逶迤
三十六梯入河漢樵人往往見蛾眉蛾眉嬋娟又宜笑
一見樵人下靈廟仙車欲駕五雲飛香扇斜開九華照
含情遲佇惜韶年願侍君邊復中旋江妃玉珮留為念

羸女銀簫空自憐仙俗途殊兩情遽感君無盡辭君去
遙見明星是妾家風飄雪散不知處故人家在西長安
賣藥往來投此山綵雲蕩漾不可見綠蘿蒙茸烏綿蠻
欲求玉女長生法日夜燒香應自還

春女行

一作歌

紫臺穹跨連綠波紅軒鈴匝垂纖羅中有一人金作面
隔幌玲瓏遙可見忽聞黃鳥鳴且悲鏡邊含笑著春衣
羅袖嬋娟似無力行拾落花比容色落花一度無再春

人生作樂須及辰君不見楚王臺上紅顏子今日皆成
狐兔塵

古蛾眉怨

君不見宜春苑中九華殿飛閣連連直如髮白日全舍
朱鳥窓流雲半入蒼龍闕宮中綵女夜無事學鳳吹簫
弄清越珠簾北卷待涼風繡戶南開向明月忽聞天子
憶蛾眉寶鳳銜花撲兩螭傳聲走馬開金屋夾路鳴環
上玉墀長樂彤庭宴華寢三千美人曳花

一作光

錦燈前

含笑更羅衣帳裏承恩薦瑤枕不意君心半路迴求仙

別作望仙臺琳琅

一作倉

禁闥遙相憶紫翠巖房晝不開

欲向人間種桃實先從海底覓蓬萊蓬萊可求不可上

孤舟縹緲知何往黃金作盤銅作莖青

一作晴

天白露掌

中擎王母嫣然感君意雲車羽旆欲相迎飛廉觀前空

怨慕少君何事

一作羣

須相誤一朝埋沒茂陵田賤妾蛾

眉不重顧宮車晚出向南山仙衛逶迤去不還朝晡泣

對麒麟樹樹下蒼苔日漸斑人生百年夜將半對酒長

歌莫長歎情

一作
拼

知白日不可私

一作
期

一死一生何足

算

子夜春歌

春氣滿林香春遊不可忘
落花吹欲盡垂柳折還長
桑女淮南曲金鞍塞北裝
行行小垂手日暮渭川陽

奉和聖製同二相已下羣官樂遊園宴

未極人心暢如何帝道明
仍嫌醑宴促復寵樂遊行陸
海披珍藏天河直

一作
望

斗城四闕青靄合數處白雲生

飪

一作
鼎

餽調元氣歌鐘溢雅聲空慚堯舜日

一作
力

至德

杏

一作
春

難名

奉和聖製送張說上集賢學士賜宴得筵字

東堂起集賢貴得從

一作
後

神仙首命台階老將崇御府

員送人鏘玉珮中使拂瓊筵和樂薰風解湛恩時雨連

長材成磊落短翮強翩翾

一作
隨

徒仰蓬萊地

一作
峻

何階

不讓緣

奉和聖製送張尚書巡邊

紫綬

一作盤

尚書印朱軒丞相車登朝身許國出閫將辭

家不憚炎蒸苦親嘗走集

一作馬

賒選徒軍有政

一作令

誓

卒爾無譁帝樂風初起王城日半斜寵行流聖作寅餞

照台華騎歷河南樹旌搖塞北沙榮懷應盡服嚴殺已

先加業峻靈祇保功成道路嗟寧如鑒空使遠致石榴

花

涼州詞二首

蒲萄美酒夜光杯欲飲琵琶馬上催醉卧沙場君莫笑

古來征戰幾人回

秦中花鳥已應闌塞外風沙猶自寒夜聽胡笳折楊柳

教人意氣

一作氣盡

憶長安

春日歸思

楊柳青青杏發花
年光誤客轉思家
不知湖上菱歌女
幾箇春舟在若耶

觀蠻童為伎之作

長裙錦帶還留客
廣額青娥亦效顰
共惜不成金谷妓

虛令看殺玉車人

御定全唐詩卷一百五十六

欽定四庫全書

御定全唐詩卷一百五十七

孟雲卿

孟雲卿河南人一曰武昌人第進士為校書郎與杜甫
元結友善詩一卷

古別離

朝日上高臺離人怨秋草但見萬里天不見萬里道君
行本迢遠苦樂良難保宿昔夢同衾憂心常傾倒舍酸

欲誰訴展轉傷懷抱結

一作白

髮年已遲

一作深

征行去何

早寒暄有時謝憔悴難再好人皆筭年壽死者何曾老

少壯無見

一作會無

期水深風浩浩

今別離

一作別離曲

結髮生別離相思復相保如何

一作何知

日已久五變庭中

草渺渺大海途悠悠吳江島但恐不出門出門無遠道

遠道行既難家貧衣復單嚴風吹積雪晨起鼻何酸人

生各有志豈不懷所安分明天上日生死願

一作誓

同歡

悲哉行

孤兒去慈親遠客喪主人莫吟辛苦曲此曲誰忍聞可

聞不可說去去無期別

一作形迹

行人念前程不待參辰沒

一作晨設

朝亦常苦饑暮亦常苦饑飄飄萬餘里貧賤多是

非少年莫遠遊遠遊多不歸

行行且遊獵篇

少年多武力勇氣冠幽州何以縱心賞馬啼春草頭遲
遲平原上孤兔奔林丘猛虎忽前逝俊鷹連下韝俯身

逐南北輕捷固難傳所發無不中失之如我讐豈唯務
馳騁猗爾暴田疇殘殺非不痛古來良有由

古挽歌

草草閭巷喧塗車儼成位冥冥何所須

一作得盡

盡一作藏我

生人意北邙路非遠此別終天地臨穴頻撫棺至哀反

無淚爾形未衰老

一作猶童稚

爾息纔

一作猶

童稚骨內安

一作

可離皇天若

一作苦

容易房帷即靈帳庭宇為哀次薤

露歌若斯人生盡如寄

放歌行

吾觀天地圖世界亦可

一作何

小落落大海中飄浮數洲

島賢愚與蟻蝨一種同草草地脉日夜流天衣有時掃

東山謁居士了我生死道目見難噬臍心通可親腦軒

皇竟磨滅周孔亦衰老永謝當時人吾將寶非寶

傷懷贈

一作酬

故人

一作友

稍稍

一作悄悄

晨鳥

一作雜

翔浙浙草上霜人生早懼

一作銀

苦

壽命恐不長二十學已成三十名不彰豈無同門友貴

賤易中腸驅馬行萬里悠悠過帝鄉幸因弦歌未得上

君子堂衆樂互喧奏獨子

一作余

備笙簧

一作堂

坐中無知

音安得神揚揚

一作洋洋

願因高風起上感白日光

鄴城

一作中

懷古

朝

一作欲

發淇水南將尋北燕路魏家舊宮闕寥落無人

住伊昔天地屯曹公

一作瞞

獨中

一作守

據羣臣將北面白

日忽西暮三臺竟寂寞萬事良難固雄圖

一作衆

安在哉

哀草露霜露崔嵬長河北尚見應劉墓古樹藏龍蛇荒

茅伏狐兔永懷故池館數子連章句逸興驅山河雄詞
變雲霧我行覩遺跡精爽如可遇斗酒將酌君悲風白
楊樹

傷情

為長心易憂早孤意常傷出門先躊躇入戶亦彷徨此
生一何苦前事安可忘兄弟先我沒孤幼盈我傍舊居
近東南河水新為梁松栢今在茲安忍思故鄉四時與
日月萬物各有常秋風已一一一作起草木無不霜行行

當自勉

一作勉

不忍再思量

傷時二首

一作求郊

徘徊宋郊上不覩平生親
獨立正傷心悲風來孟津
大方載羣物生死有常倫
虎豹不相食哀哉人食人
豈伊

一作知

逢世運天道亮云云

太空流素月三五何明

一作皎

明光耀侵白日賢愚迷至

精四時更變化天道有虧盈
常恐今夜

一作已

淺須臾還

復生

田園觀雨兼晴後作

貧賤少情欲借

一作惜

荒種南陂我非老農圃安得良土

宜秋成不廉儉歲餘多饒饑顧視倉廩間有糧不成炊
晨登南園上暮歌清蟬悲早苗既芄芃晚田尚離離五
行孰堪廢萬物當及時賢哉數夫子開翅慎勿遲

汴河阻風

清晨自梁宋挂席之楚荆

一作城

出浦風漸惡傍灘舟欲

橫大河噴

一作復

東注羣動

一作洞

皆宵

一作昏

冥白霧魚龍

氣黑

一作黃

雲牛馬

一作虎

形蒼茫迷所適危安懼

一作色懼安

暫寧信此天地內孰為身命輕丈夫苟未達所向須存

誠

一作有成

前路捨舟去東南仍

一作應

曉

一作晚

晴

行路難

君不見高山萬仞連蒼旻天長地久成埃塵君不見長
松百尺多勁節狂風暴雨終摧折古今何世無聖賢吾
愛伯陽真乃天金堂玉闕朝羣仙拍手東海成桑田海
中之水慎勿枯烏為啄蚌傷明珠行路難艱險莫踟躕

途中寄友人

昔時聞遠路謂是等閒行及到求人地始知為客情事
將公道背塵遠馬蹄生慳使長如此便堪休去程

寒食

二月江南花滿枝他鄉寒食遠堪悲貧居往往無煙火
不獨明朝為子推

新安江上寄處士

深潭與淺灘萬轉出新安人遠禽魚靜山空水木寒嘯

起青蘋末吟矚白雲端即事遂幽賞何必挂儒冠

句

羣物歸大化六龍頽西荒

感懷

安知浮雲外日月不運行

苦雨

見張

為主客圖

御定全唐詩卷一百五十七